

ცოცხალი/არაცოცხალი კატეგორიის ლექსიკური გამოხატვა მეგრულში

ნინო წულაია

*სამაგისტრო ნაშრომი წარდგენილია ილიას სახელმწიფო უნივერსიტეტის მეცნიერებათა
და ხელოვნების ფაკულტეტზე მაგისტრის აკადემიური ხარისხის მინიჭების
შესაბამისად*

პროგრამა: გამოყენებითი ენათმეცნიერება

სამეცნიერო ხელმძღვანელი: იზაბელა ქობალავა

სრული პროფესორი

ილიას სახელმწიფო უნივერსიტეტი

თბილისი, 2017

განაცხადი

”როგორც წარდგენილი სამაგისტრო ნაშრომის ავტორი, ვაცხადებ, რომ ნაშრომი წარმოადგენს ჩემს ორიგინალურ ნამუშევარს და არ შეიცავს სხვა ავტორების მიერ აქამდე გამოქვეყნებულ, გამოსაქვეყნებლად მიღებულ ან დასაცავად წარდგენილ მასალებს , რომლებიც ნაშრომში არ არის მოხსენიებული ან ციტირებული სათანადო წესების შესაბამისად”.

ნინო წულაია

22.06.2017

აბსტრაქტი

ნაშრომი წარმოადგენს ილიას სახელმწიფო უნივერსიტეტის გამოყენებითი ენათმეცნიერების სამაგისტრო პროგრამის სტუდენტის კვლევას, რომლის მიზანია დაადგინოს ცოცხალ და არაცოცხალ კატეგორიებში შემავალი ელემენტები მეგრული ენისთვის, გაარკვიოს თუ რა ნიშნით შედის თითოელი ელემენტი ამა თუ იმ კატეგორიაში; გამოყოს საერთო და განსხვავებული ლექსიკური ერთეულები, როგორც ცალკეული, ასევე ორივე კატეგორიისთვის.

კვლევის შედეგად, ადამიანის, ცხოველის, მცენარის და სხვა უსულო საგნებისთვის დამახასიათებელი ლექსიკური ერთეულების განხილვის და გაანალიზების შედეგად დადგინდა, რომ მეგრული ენა გვამლევს საშუალებას ადამიანებთან და ცხოველებთან ერთად, მცენარე მივაკუთვნოთ ცოცხალ კატეგორიას, ამასთანავე გამოვლინდა ფაქტი, რომ გვაქვს ისეთი მოძრაობა - გადაადგილების ზმნები, რომლებიც საერთოა ორივე კატეგორიისთვის.

აღნიშნულ საკითხზე კვლევა დაეხმარება იმ ადამიანებს, რომლებიც დაინტერესებულნი იქნებიან მეგრული ენის სახელების კატეგორიებით ან ზოგადად კატეგორიებითა და ამა თუ იმ ელემენტთა ლექსიკური მნიშვნელობებით.

საკვანძო სიტყვები: ცოცხალი კატეგორია, არაცოცხალი კატეგორია, ლექსიკური ერთეული, ადამიანი, ცხოველი, მცენარე, მოძრაობა-გადაადგილების ამსახველი ზმნები.